

BOSNA I HERCEGOVINA  
FEDERACIJA BOSNE I HERCEGOVINE  
KANTON 10  
OPĆINSKI SUD U LIVNU  
Broj: 68 0 St 083863 25 St  
Livno, 08.05.2026. godine

OPĆINSKI SUD U LIVNU, stečajni sudija Aleksandar Kontić, odlučujući o Prijedlogu za otvaranje stečajnog postupka nad imovinom pravnog lica Lištanac d.o.o. Livno, ul. S. S. Kranjčevića broj 8, zastupan po zakonskom zastupniku direktoru Branki Rimac iz Livna, ul. S.S. Kranjčevića broj 8, izvan ročišta, dana 08.05.2026. godine, donio je dana

## **R J E Š E N J E**

Otvara se stečajni postupak nad imovinom pravnog lica Lištanac d.o.o. Livno, ul. S. S. Kranjčevića broj 8, zastupan po zakonskom zastupniku direktoru Branki Rimac iz Livna, ul. S.S. Kranjčevića broj 8.

Zaključuje se stečajni postupak nad imovinom pravnog lica Lištanac d.o.o. Livno, ul. S. S. Kranjčevića broj 8, zastupan po zakonskom zastupniku direktoru Branki Rimac iz Livna, ul. S.S. Kranjčevića broj 8, zbog nepostojanja imovine koja može biti predmet stečajne mase.

## **O b r a z l o ž e n j e**

Dana 28.01.2025. godine, punomoćnik direktora kao zakonskog zastupnika predlagatelja kao stečajnog dužnika, predložio je da se otvori stečajni postupak nad stečajnim dužnikom Lištanac d.o.o. Livno, ul. S. S. Kranjčevića broj 8.

U Prijedlogu se navodi da je pravno lice kao stečajni dužnik osnovano i upisano u sudski registar dana 04.06.2009. godine, da je u početku pravno lice rentabilno poslovalo, i uredno izmirivalo svoje obaveze, ali da u zadnje vrijeme posluje negativno, da su rashodi veći od prihoda, te da isto pravno lice nije u mogućnosti izvršavati svoje obaveze već duže vrijeme. Navodi da su razlozi ne rentabilnog poslovanja platežna nesposobnost klijenata, te da je račun stečajnog dužnika otvoren u Zagrebačkoj banci u statusu blokiran.

Stečajni sudac je nakon što je utvrdio da je Prijedlog za pokretanje stečajnog postupka podnesen od strane ovlaštenog predlagatelja u smislu odredbi čl. 58. st.1 i 2. Zakona o stečajnom postupku i da je isti dopušten, naložio je predlagatelju da uplati novčana sredstva na ime predujma financiranja troškova prethodnog stečajnog postupka u visini od 1.200,00 KM, radi utvrđivanja uvjeta otvaranja stečajnog postupka.

Predlagatelj je dana 11.03.2025. godine, dostavio sudu dokaz o uplati predujmljenih sredstava za financiranje prethodnog stečajnog postupka, u iznosu od 1.200,00KM.

Na ročištu za saslušanje stečajnog dužnika, održanog dana 07.03.2025. godine, zz predlagatelja ponovio je navode iz Prijedloga za otvaranje stečajnog postupka, te je ponovila da je račun pravnog lica blokiran, da pravno lice ima evidentiranog duga prema Poreznoj upravi F BiH, Kantonalni porezni ured Livno, u visini od 28.130,90 KM, te da koliko je njoj poznato nema drugih dugova prema trećim licima. Navodi se da već 3-4 godine pravno lice ne obavlja nikakvu djelatnost te da je objekt u kojem se pravno lice nalazi sada zaključan.

Na osnovu priložene dokumentacije i saslušanja zakonskog zastupnika predlagatelja, ovaj Sud nije bio u mogućnosti da sam procjeni i utvrdi postojanje svih neophodnih uvjeta koje Zakon o stečaju propisuje za otvaranje stečajnog postupka, te je iz navedenih razloga Sud donio

rješenje broj gornji, od 09.05.2025. godine, o pokretanju prethodnog stečajnog postupka, radi utvrđivanja uvjeta za otvaranje stečaja, kojim rješenjem je imenovao za privremenog stečajnog upravnika Stipana Perića iz Tomislavgrada, sve na osnovu odredbi člana 61. stav 1. Zakona o stečaju.

Odluka iz st. 3 ovog rješenja donesena je na osnovu odredbe člana 63. Zakona o stečaju, a nakon što je utvrđeno da privremeni stečajni upravitelj ispunjava uvjete za imenovanje utvrđene odredbom člana 61. Zakona o stečaju.

Navedeno rješenje objavljeno je u Službenim novinama F BiH, broj 39 od 28.05.2025. godine.

U Izvještaju o poduzetim radnjama i stanju imovine u toku prethodnog postupka u privrednom društvu Lištanac d.o.o. Livno, ul. S. S. Kranjčevića broj 8, privremeni stečajni upravitelj Josip Perić navodi da je prijedlog za pokretanje stečajnog postupka dopušten, i prema dokumentaciji iz spisa suda pokrenut u pisanoj formi od strane zakonskog zastupnika, da postoje razlozi za otvaranje stečajnog postupka, platežna kratkoročna i dugoročna nesposobnost, te da stečajni dužnik nema imovinu koja bi eventualno činila stečajnu masu za pokriće troškova u slučaju otvaranja stečajnog postupka, da nema imovine koja bi mogla biti predmet unovčavanja, te da iz iste nije moguće pokriti troškove stečajnog postupka.

Isti stečajni upravitelj predložio je sudu objavljivanje Javnog poziva povjerenicima i zainteresiranim licima da u roku od 30 dana od objave poziva predlože otvaranje stečajnog postupka i uplate predujam za osiguranje troškova stečajnog postupka u iznosu od 5000 KM.

Nakon objave rješenja o otvaranju prethodnog stečajnog postupka, sud je zaprimio prijave potraživanja stečajnih povjerenika i to Porezne uprave F BiH, Kantonalni porezni ured Livno, broj 13-10-03-08-4-804/25 od 25.06.2025. godine, na iznos od 28.413,77 KM, i Prijavu potraživanja Grada Livna, zastupanog po zastupniku po zakonu Općinskom javnom pravobraniteljstvu, broj R-61/25 od 18.07.2025. godine, na iznos od 700,80 KM.

Sud je na prijedlog stečajnog upravnika objavio Javni poziv u Službenim novinama F BiH broj 81/25 od 22.10.2025. godine, radi poziva svim zainteresiranim licima da u roku od 30 dana od objave oglasa predlože otvaranje stečajnog postupka i uplate iznos troškova stečajnog postupka od 2500 KM, isti oglas je objavljen u Službenim novinama F BiH kao i na Web stranici i Oglasnoj tabli suda.

U navedenom roku nitko od povjerenika ili zainteresiranih lica nije uplatio navedeni predujam troškova stečajnog postupka, iako je u predmetu prijavljeno potraživanje Porezne uprave F BiH, Kantonalni porezni ured Livno, i Grada Livna, u gore navedenim iznosima.

Sud je rješenjem broj gornji od 13.02.2026. godine, izmijenio rješenje ovog suda od 09.05.2025. godine, te je umjesto privremenog stečajnog upravnika Stipana Perića imenovao Željka Čuljka iz Ljubuškog, Klobuk broj 140.

I navedeni privremeni stečajni upravitelj Željko Čuljak dostavio je Izvješće o utvrđivanju uvjeta za otvaranje stečajnog postupka na društvom Lištanac d.o.o. u kojem je ponovio navode Stipana Perića, da je prijedlog za otvaranje stečajnog postupka opravdan, izjavljen od ovlaštenog lica, da stečajni dužnik nema imovine i da postoje prijavljena potraživanja Porezne uprave i Grada Livna.

Članom 102. stav 7. propisano je ako imovina stečajnog dužnika ne pokriva troškove postupka, a prijedlog je dopušten i osnovan, stečajni sudija će javnim pozivom, objavljenim na oglasnoj tabli suda, web stranici suda -elektronskoj tabli suda i u "Službenim novinama Federacije BiH", pozvati povjerenice i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za osiguranje troškova stečajnog postupka, u iznosu koji odredi stečajni sudija.

Stavom 8. istog člana propisano je ako u roku iz stava (7) ovog člana povjerioci i zainteresirana lica ne predlože otvaranje stečajnog postupka i ne uplate predujam, stečajni sudija će otvoriti stečajni postupak i odmah zaključiti postupak. Rješenje o otvaranju i zaključenju stečajnog postupka dostavlja se nadležnom tužilaštvu, Poreskoj upravi Federacije Bosne i Hercegovine i Upravi za indirektno oporezivanje Bosne i Hercegovine.

Kako stečajni dužnik nema svoje imovine koja bi mogla biti predmet stečajne mase, te kako nitko od zainteresiranih lica i povjerilaca nije uplatio iznos predujma za osiguranjem troškova stečajnog postupka u visini od 2500 KM, to je sud u skladu sa članom 102. stav 8. Zakona o stečajnom postupku (Službene novine F BiH broj 53/21), otvorio stečajni postupak nad pravnim licem, i isti odmah zaključio, zbog nepostojanja imovine stečajnog dužnika koja bi mogla biti predmet unovčenja.

Na osnovu navedenog, temeljem citiranih odredbi Zakona sud je odlučio kao u izreci ovog rješenja.

### **Pouka o pravnom lijeku:**

Protiv ovog rješenja dozvoljena je žalba u roku od 8 dana računajući od prvog narednog dana od dana objave istog u Službenim novinama F BiH. Žalbu mogu izjaviti stečajni dužnik i privremeni stečajni upravnik. Žalba se podnosi Kantonalnom sudu u Livnu, putem ovog suda, u dovoljnom broju primjeraka za sudionike u postupku.

Stečajni sudac

Aleksandar Kontić